

## SEDMIČNI PREGLED AKTIVNOSTI SUDA BIH

Odjel I, II i III  
(22.6. – 26.6.2026.)

- Sud Bosne i Hercegovine je 10.6.2026. potvrdio optužnicu u predmetu **Zdravko Šagolj**, koja optuženog **Zdravka Šagolja** tereti da je radnjama opisanim u optužnici počinio krivično djelo organizirani kriminal iz člana 250. stav 2. u vezi s krivičnim djelom neovlašteni promet opojnim drogama iz člana 195. stav 1. KZBiH.

U optužnici se, između ostalog, navodi da je **Zdravko Šagolj** pristupio grupi za organizirani kriminal, koju je organizirao B.P zajedno sa D.M. s drugim njima poznatim osobama, u periodu od oktobra 2019. godine pa do kraja marta 2021. godine, na teritoriji BiH, R. Srbije, potom na području zemalja Evropske unije, tačnije Grčke, Slovačke i Hrvatske, te Ekvadora u Južnoj Americi, svjesni zabranjenosti svog djelovanja i htijući to, a sa ciljem ostvarivanja protupravne imovinske koristi, a koja je pripremala i vršila neovlašteni promet opojnom drogom kokain, međunarodnu prodaju i prenos opojne droge, nuđenjem na prodaju, kupovinu i prevoz opojne droge, te posredovala u međunarodnoj prodaji i kupovini droge kokain, koju su nabavljali na teritoriji Ekvadora u Južnoj Americi, radi njene dalje preprodaje u Bosni i Hercegovini, R. Srbiji i drugim zemljama EU, pri tome koristeći posebno podešene telefone sa instaliranim aplikacijama Sky Ecc, namijenjene za ostvarivanje zaštićene i kriptirane komunikacije.

Dalje se navodi da je optuženi **Zdravko Šagolj** pristupio navedenoj grupi za organizirani kriminal, pa je u sastavu grupe, svjesno i htijući to, imao ulogu da koordinira i osigura siguran prolaz kontejnera sa voćem u kojim je bila sakrivena opojna droga kokain, koja je prevožena iz Ekvadora preko luke Pirej u R. Grčkoj do luke Ploče u R. Hrvatskoj, te da poveže organizatore grupe i posreduje između njih i Z.E carinika u luci Ploče, čija je uloga u okviru navedene grupe bila da kao carinski službenik za kontrolu rizika u luci Ploče prilikom carinskog postupka u R. Hrvatskoj ne obavi dužnost pregleda kontejnera koju je dužan obaviti, s ciljem da opojna droga bude dalje prevezena do teritorije Bosne i Hercegovine putem firmi za prividnu djelatnost trgovine voćem i povrćem.

- Sud je 16.6.2026. potvrdio optužnicu u predmetu **Adi Đozo (S1 3 K 051566 26 Kps)** koja optuženog **Adija Đozu** tereti da je počinio krivično djelo krivotvorenje novca iz člana 205. stav 4. KZBiH.

Optuženi se tereti da je dana 15.3.2025., u Sarajevu, svjesno i htijući to lažni novac koji je primio kao pravi saznao da je lažni novac i stavio u opticaj, na način da je kao vozač taxi vozila ponudio da mu se razmijeni 50,00 EUR-a.

- Odlučujući o prijedlogu Tužilaštva, Sud je 19.6.2026., u predmetu **Milan Kukrik (S1 3 K 054144 26 Kpp 7)**, donio rješenje kojim je prihvaćen prijedlog Tužilaštva i osumnjičenom **Milanu Kukriku ukinut pritvor** određen ranijim rješenjem ovog Suda i istovremeno **određena mjera zabrane sastajanja sa određenim osobama iz člana 126. ZKPBiH.**

Izrečena mjera zabrane po ovom rješenju može trajati dok za istom postoji potreba ili do drugačije odluke Suda. Kontrola opravdanosti trajanja izrečene mjere zabrane vršit će se po isteku svaka dva (2) mjeseca.

Osumnjičeni se tereti da je počinio krivično djelo neovlašteni promet oružjem i vojnom opremom, te proizvodima dvojne upotrebe iz člana 193. stav 1. KZBiH i krivično djelo nedozvoljena proizvodnja i promet oružja ili eksplozivnih materija iz člana 361. stav 1. KZRS, sve u vezi sa članom 53. KZ BiH

- Sud je 20.6.2026., u predmetu **Pascal Baaroun Karim (S1 3 K 055017 26 Eks)**, u postupku izručenja potraživanog **Karima Pascala Baarouna**, po međunarodnoj potjernici NCB Interpola Wiesbaden, Savezna Republika Njemačka, odnosno potjernici Interpola NCB Sarajevo, odlučujući o zahtjevu za pritvaranje potraživanog sadržanom u međunarodnoj potjernici, a nakon održanog ročišta povodom lišenja slobode potraživanog, donio rješenje kojim je potraživanom određen **ekstradicioni pritvor** koji po ovom rješenju može trajati do izvršenja odluke o izručenju ili do nove odluke ovog Suda, ali najduže **šest (6) mjeseci** računajući od dana lišenja slobode odnosno do **19.12.2026. godine.**
- Sud je 21.6.2026., u predmetu **Hayrettin Tozi (S1 3 K 055019 26 Eks)** u postupku izručenja potraživanog **Hayrettin Tozi** po međunarodnoj crvenoj potjernici NCB Interpola Pariz, Republika Francuska, odnosno potjernici Interpola NCB Sarajevo, odlučujući o određivanju mjere privremenog pritvora prema potraživanom, a nakon održanog ročišta povodom lišenja slobode potraživanog, donio rješenje kojim je potraživanom određen **privremeni pritvor** koji po ovom rješenju može trajati najduže **18 (osamnaest) dana** od dana lišenja slobode, odnosno do **7.7.2026. godine** ili do nove odluke Suda.

**PONEDJELJAK, 22. juna 2026. godine**

- Odlučujući o prijedlogu Tužilaštva, Sud je 22.6.2026., u predmetu **Yaman Deniz (S1 3 K 055020 26 Kpp)** donio rješenje kojim je prihvaćen prijedlog Tužilaštva i

osumnjičenom **Yaman Deniz** određen **pritvor** koji po ovom rješenju može trajati najduže **mjesec dana**, računajući od dana lišenja slobode osumnjičenog, odnosno do **21.7.2026. godine** ili do nove odluke Suda, a sve zbog postojanja posebnih pritvorskih razloga propisanih članom 132. stav 1. tačka a) ZKPBiH.

Osumnjičeni se tereti da je počinio krivično djelo djelo krijumčarenje ljudi iz člana 189. stav 2. Krivičnog zakona Bosne i Hercegovine (KZBiH).

PREDMET	ROČIŠTE
<b>Odjel II</b> <b>Elmedin Karišik i dr.</b> <b>S1 2 K 053561 26 K</b>	Provođenje dokaza Tužilaštva saslušanjem dva svjedoka
<b>Odjel III</b> <b>Belmin Curić</b> <b>S1 3 K 053289 26 K</b>	Početak glavnog pretresa
<b>Odjel III</b> <b>Yaman Deniz</b> <b>S1 3 K 055020 26 Kpp</b>	Ročište za određivanje pritvora po prijedlogu Tužilaštva

#### UTORAK, 23. juna 2026. godine

- Sud je 23.6.2026. u predmetu **Aleksandar Komnenić i dr. (S1 2 K 053800 26 K)** u postupku redovne kontrole opravdanosti trajanja mjere pritvora, van ročišta, donio rješenje kojim je utvrđeno da i dalje postoje okolnosti koje opravdavaju primjenu mjere pritvora prema optuženima **Aleksandru Komneniću, Zlatku Mediću i Saši Rađeviću**.

Naredna kontrola mjere pritvora je predviđena za **23.8.2026. godine**.

- Sud je 23.6.2026. u predmetu **Dragan Gajić i dr. (S1 2 K 046686 24 K)** u postupku redovne kontrole opravdanosti trajanja mjere pritvora, van ročišta, donio rješenje kojim je utvrđeno da i dalje postoje okolnosti koje opravdavaju primjenu mjere pritvora prema optuženom **Draganu Gajiću**.

Naredna kontrola mjere pritvora je predviđena za **23.8.2026. godine**.

- Sud je 23.6.2026., u predmetu **Ibrahim Kara (S1 3 K 055027 26 Eks)** u postupku izručenja potraživanog **Ibrahima Kare**, po međunarodnoj potjernici NCB Interpol, Republika Turska, odnosno potjernici NCB Interpola Sarajevo, odlučujući o zahtjevu za pritvaranje potraživanog, sadržanom u međunarodnoj potjernici a nakon održanog ročišta povodom lišenja slobode potraživanog, donio rješenje kojim je potraživanom **određen ekstradicioni pritvor** koji po ovom rješenju može trajati do izvršenja odluke o izručenju ili do nove odluke ovog Suda, ali najduže **šest (6)**

**mjeseci** računajući od dana lišenja slobode odnosno do **22.12.2026. godine**.

- Sud je 23.6.2026., u predmetu **Anas Hamadi (S1 3 K 054764 26 Eks 3)** u postupku izručenja potraživanog **Anas Hamadi**, po molbi za izručenje Savezne Republike Njemačke, odnosno potjernici NCB Interpolu Sarajevo, raspisanoj u cilju vođenja krivičnog postupka pred nadležnim pravosudnim organom Savezne Republike Njemačke, odlučujući o prijedlogu branioca potraživanog za određivanje jemstva i ukidanje pritvora, kao i prijedlogu Tužilaštva Bosne i Hercegovine za određivanje **ekstradicionog pritvora** prema potraživanom i utvrđivanje pretpostavki za izručenje, a nakon održanog ročišta, donio rješenje kojim je **odbijen prijedlog** za određivanje **jemstva i ukidanje mjere pritvora**, te se istovremeno određuje **ekstradicioni pritvor** koji po ovom rješenju može trajati do izvršenja odluke o izručenju ili do nove odluke ovog Suda, a najduže **6 (šest) mjeseci**, računajući od dana lišenja slobode, odnosno do **16.11.2026. godine**.

<b>PREDMET</b>	<b>ROČIŠTE</b>
<b>Odjel II</b> <b>Aleksandar Komnenić i dr.</b> <b>S1 2 K 053800 26 K</b>	Saslušanje jednog svjedoka po prijedlogu Tužilaštva
<b>Odjel II</b> <b>Radoje Šupić i dr.</b> <b>S1 2 K 046101 23 Krn</b>	Ročište za određivanje mjera zabrane po prijedlogu Tužilaštva
<b>Odjel III</b> <b>Ibrahim Kara</b> <b>S1 3 K 055027 26 Eks</b>	Ekstradicioni postupak
<b>Odjel III</b> <b>Anas Hamadi</b> <b>S1 3 K 054764 26 Eks</b>	Ekstradicioni postupak

**SRIJEDA, 24. Juna 2026. godine**

- Na ročištu za izjašnjenje o krivnji održanom 24.6.2026., u predmetu **Enes Muratović i dr. (S1 2 K 047663 25 Ko)** optuženi **Milorad Vladić** izjasnio se da **nije kriv** za krivično djelo za koje se tereti optužnicom Tužilaštva BiH – udruživanje radi činjenja krivičnih djela iz člana 249. stav 2. Krivičnog zakona Bosne i Hercegovine, krivično djelo nedopušteni promet akciznih proizvoda iz člana 210a), te krivično djelo nedopušteno skladištenje robe iz člana 210b) istog zakona, a sve u vezi sa članom 53. (sticaj) KZBiH.
- Sud je 24.6.2026., u predmetu **Abbaszade Khayal (S1 3 K 054259 26 Kps)**, nakon održanog pretresa za razmatranje sporazuma o priznanju krivnje i ročišta za izricanje

krivičnopravne sankcije, donio i javno objavio presudu kojom je optuženi **Abbaszade Khayala oglašen krivim** što je radnjama opisanim u izreci presude počinio krivično djelo krijumčarenje ljudi iz člana 189. stav 1. Krivičnog zakona Bosne i Hercegovine, u vezi sa članom 26. i 29. Krivičnog zakona Bosne i Hercegovine.

Sud je optuženom izrekao kaznu zatvora u trajanju od **8 (osam) mjeseci**.

Optuženi je oglašen krivim što je dana 11.3.2026. godine oko 9:30 sati, na području mjesta Jabuka, općina Grude, radi krijumčarenja osoba s ciljem sticanja imovinske koristi, sa njemu poznatom osobom dogovorio i na području Sarajeva preuzeo i prihvatio tri strana državljanina u namjeri da ih doveze do pogodnog mjesta u blizini granice Bosne i Hercegovine i Republike Hrvatske, gdje bi im omogućio da nedozvoljeno pređu granicu u Republiku Hrvatsku suprotno Zakonu o graničnoj kontroli te van mjesta koja su predviđena za zakonit prelazak državne granice.

Sud je optuženom **Abbaszade Khayal produžio pritvor** koji po ovom rješenju može trajati do upućivanja optuženog na izdržavanje kazne zatvora, a najduže 9 (devet) mjeseci od dana izricanja prvostepene presude, s tim da pritvor ne može trajati duže od izrečene kazne zatvora.

PREDMET	ROČIŠTE
Odjel II Enes Muratovic i dr. S1 2 K 047663 25 Ko	Ročište za izjašnjenje o krivnji
Odjel II Bojan Cvijetić i dr. S1 2 K 046336 23 K	Saslušanje optuženog u svojstvu svjedoka
Odjel III Khayal Abbaszade S1 3 K 054259 26 Kps	Ročište za razmatranje sporazuma o priznanju krivnje

**ČETVRTAK, 25. juna 2026. godine**

PREDMET	ROČIŠTE
Odjel II Dragan Vasić i dr. S1 2 K 054842 26 Krn	Ročište povodom prijedloga Tužilaštva za produženje mjere pritvora prema osumnjičenima Draganu Vasiću i Kostadinu Simiću

**PETAK, 26. juna 2026. godine**

PREDMET	ROČIŠTE
---------	---------

<b>Odjel II</b> <b>Dean Ignjatović</b> <b>S1 2 K 051546 26 K</b>	Početak glavnog pretresa
<b>Odjel III</b> <b>Rade Injac</b> <b>S1 3 K 050349 26 Kpp</b>	Ročište za razmatranje sporazuma o priznanju krivnje

**NAJAVE ZA NAREDNU SEDMICU:**

Za četvrtak, 2.7.2026. godine:

- **Vahid Hujic (S1 2 K 054537 26 Ko)** – Ročište za razmatranje sporazuma o priznanju krivnje zakazano u 10:00 sati, sudnica 3.

**STATISTIKE**

<b>ODJELJENJE ZA PODRŠKU SVJEDOCIMA</b>		
Odjel	Broj predmeta	Broj svjedoka
Ratni zločini	<b>0</b>	<b>0</b>
Organizirani kriminal	<b>2</b>	<b>3</b>
Opći kriminal	<b>0</b>	<b>0</b>

<b>Broj održanih ročišta u sudnicama 3-9</b>	<b>13</b>
<b>Broj zahtjeva za izdavanje AV materijala (Odjeljenje za informiranje javnosti)</b>	<b>0</b>

**Želite li biti uključeni na popis primatelja najnovijih obavijesti Suda BiH ili izbrisani s njega, molimo vas da pošaljete e-mail na: [pios@sudbih.gov.ba](mailto:pios@sudbih.gov.ba)**